



Agency for Development of Higher Education and Quality Assurance

Saopštenje sa 14. sjednice Upravnog odbora Agencije za razvoj visokog obrazovanja i osiguranje kvaliteta

održane 11.07. u Banjaluci, 11.10. u Sarajevu i 24.10.2011. godine u Banjaluci

Upravni odbor Agencije za razvoj visokog obrazovanja i osiguranje kvaliteta dao je saglasnost na Odluku o normama kojima se određuju minimalni standardi u oblasti visokog obrazovanja, Pravilnik o vođenju državnog registra akreditiranih visokoškolskih ustanova u Bosni i Hercegovini, te Instrukciju o načinu ocjenjivanja usklađenosti rješenja o akreditaciji sa minimalnim standardima i kriterijima za akreditaciju.

Odluka o normama kojima se određuju minimalni standardi u oblasti visokog obrazovanja predstavlja okvir djelovanja za sve institucije koje su uključene u osiguranje kvaliteta u visokom obrazovanju. Ovim dokumentom propisana su pravila za ostvarivanje standarda i smjernica za unutrašnje, te vanjsko osiguranje kvaliteta koje se provodi u svrhu unapređenja kvaliteta i akreditacije visokoškolske ustanove, odnosno studijskog programa.

Pravilnik o vođenju Državnog registra akreditiranih visokoškolskih ustanova u Bosni i Hercegovini definira izgled i sadržaj Registra, postupak upisa i ispravke, brisanje iz Registra, te druga pitanja od značaja za uspostavljanje i vođenje Registra. Instrukcijom o načinu ocjenjivanja usklađenosti rješenja o akreditaciji propisan je način ocjenjivanja usklađenosti rješenja o akreditaciji visokoškolskih ustanova, odnosno studijskih programa koje donose nadležna obrazovna tijela s minimalnim standardima iz područja visokog obrazovanja i kriterijima za akreditaciju visokoškolskih ustanova u Bosni i Hercegovini.

Navedeni dokumenti rezultat su intenzivnog rada Agencije i provedenih konsultacija sa predstavnicima akademske zajednice i ministarstava nadležnih za obrazovanje u Bosni i Hercegovini.

Upravni odbor Agencije pokrenuo je postupak za izbor četiri člana Upravnog odbora Agencije kojima ističe mandat, te je primio k znanju Izvještaj o radu Agencije za razvoj visokog obrazovanja i osiguranje kvaliteta.